

開放文學 – 歷代筆記 – 夜雨秋燈錄
珠江風月

珠江風月，談者豔之。獨倉山一老，來此作狎邪游，大不滿意。其門下士，亦以為一樣春色，其醜詆痛斥，可謂不遺餘力矣。我友某太史，偶來粵中，登臨之暇，偕二三裙屐，買醉穀埠。到眼鶯花，絕無當意，唯賞識一雛妓，年近□四五，綺齡玉貌，綽約可憐。酒罷宵闌，贈以四絕句，為寫之團扇，此亦珠江一段佳話也。詩云：

飲罷筍筍盡醉歸，畫船紅燭映斜暉。
巫雲入夜濃如許，漫向勞人夢裡飛。

良宵風月快清談，□里波光色蔚藍。
座倚雛鬟嘲暫解，返叫人笑寶兒憨。

玉笛風聲譜落梅，珠江錦繡枉成堆。
垂髫人唱黃河遠，豔絕旗亭第二回。

彷彿潮州看水嬉，三生杜牧本情癡。
他年領郡來宜早，莫待成蔭子滿枝。